



Lišenje slobode A.M.

Dana 12.02.2023.godine u 17,00 sati, policijski službenici PU Centar lišili su slobode lice A.M., rođen 1998.godine u Sarajevu, gdje je i nastanjen, zbog postojanja osnova sumnje da je počinio krivična djela iz člana 323. stav 1., člana 239. stav 3., člana 293. stav 1., 359. stav 2. KZ F BiH (Izazivanje opće opasnosti, Posjedovanje i omogućavanje uživanja opojnih droga, Oštećenje tuđe stvari, Napad na službenu osobu u vršenju poslova sigurnosti) i člana 74. stav 1. ZONDINOM-a Kantona Sarajevo. Isti je pomenutog dana oko 14,30 sati na lokalitetu "Nahorevska brda", općina Centar Sarajevo, ispalio hitac iz vatrenog oružja. Prilikom pretresa kod osumnjičenog je pronađen i oduzet pištolj marke CZ", cal. 9 mm, sa okvirom i 15 metaka istog kalibra, za koji ne posjeduje odobrenje nadležnog organa, određena količina suhe zeljaste materije koja asocira na opojnu drogu marihuanu i jedna drobilica. Tokom transporta iz službenih prostorija, A.M. je razbio stakleni portal, te fizičkom snagom policijskom službeniku nanio lakše tjelesne povrede konstatovane od strane ljekara u Općoj bolnici "Prim. dr. Abdulah Nakaš" u Sarajevu. O navedenom je obaviješten dežurni tužilac Kantonalnog tužilaštva Kantona Sarajevo, a A.M. je predat u prostorije za zadržavanje osoba lišenih slobode MUP-a Kantona Sarajevo. Policijski službenici su izvršili uviđajne radnje na mjestu događaja, te nastavljaju kriminalističku obradu nad navedenim licem.

13.02.2023